

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

De ijs qui regnante Iuliano, Meri Ciuitatis Phrigiae vitam martyrio
consummarunt. Cap. XIII.

urn:nbn:de:hbz:466:1-12704

SOCRAT. HISTOR.

Ita isti ab Athanasio auersi , cito & contento gradu perse-
quuntur : sed frustra . Ille enim ex eorum manibus elapsus ,
clam se Alexandriam recepit : ibique in occulto vitam usq;
eo transigit , quoad persecutionis incendium penitus esset
restinctum . Eiusmodi tempestates post crebras Christiano-
rum perseciones , postque ærumnas à gentilibus illis in-
flictas , in caput episcopi Alexandrini redundant . Porro
prouinciarum præfides rati ex Imperatoris religione illis tē-
pus oportunum oblatum , quo quæstum facerent , vltra
quam imperatoris edita postulabant , Christianos vexare ,
maiorem pecunia summam , quam oportebat , exigere , in-
terdum eorum corporibus supplicia infligere cœperunt .
Quæ cum intellexisset Imperator , neglexit : & Christianis ,
qui de ipsis iniurijs expostulaturi ad eū venissent , ita respo-
dit : Vestrum est , cum etsi afflictati , æquo animo tolerare :
quippe istud à vestro Deo præceptum accepistis .

*De ijs qui regnante Iuliano , Meri Ciuitatis Phri-
giae vitam martyrio consummarunt .*

CAP. XIII.

Erat quidem Meri urbis Phrigiae prouinciæ præfetus ,
nomine Amachius , qui delubrum in ea ciuitate exstruc-
tum aperire , sordes iam longo tempore in eo coa-
ceruatas , expurgari mandauit , simulachraque in eo cultu
& obseruantia prosecutus est . Quod illius factum Christianorū
animis acerbum incusit dolorem . Idcirco Mace-
donius , Theodusius , Tatianus zelo pietatis Christianæ in-
flammati , istam ægritudinem ferre non poterat , sed flagrant-
ti erga virtutem studio prædicti , noctu in delubrum irruunt ,
simulachra confringunt . Quo quidem facinore cum præ-
fes grauiter animo esset commotus , & propterea complures
in ciuitate , qui criminis omnino erat expertes , neci dare co-
tenderet , authores facinoris vltro illi se obtulere : proq; ve-
ritate ipsi mortem multo maluere oppetere , quam vt alij ip-
orum causa vitam amitterent . Quibus compræhensis , præ-
fes mandatum dat , vt pro facinore ab ipsis admisso , se simu-
lachris immolando purgarent : minaturq; se illos , si istud fa-
cere recusarent , acerbo multaturum supplicio . Illi , vtpote
excelso & magno animo prædicti , neglectis eius minis , ad
omnem

omnem cruciatum sufferendum se paratos ostenderunt, ma
lueruntq; multo vitam deferere, quām ut se sacrificiorum
labe ipsi polluerent. Præses igitur, vbi alijs omnibus tor-
mentorum generibus eos exercuerat, ad extremum craticu-
lis imponit, ignemq; subdi iubet: quo quidem cruciatu
oppressi è vita migrauere. Et quo rebus tā fortiter pro ve-
ritate ab se gestis insigne quasi fastigium imponerent, hæc
sunt verba ad præsidem elocuti: Si cupiditate duceris, Ama-
chie, carnes astas degustandi, verte nos in altera latera, ne in
ipso gusto tibi semiassī videamur. Hunc isti vitæ habuere
exitum.

*Quo pacto cū Imperator interdixisset Christianis hu-
manioris literaturæ lectionem, Apolinarij ad
scribendum animos applicuerunt.*

CAP. X I I I I

LEx ab imperatore p̄mulgata, quę vetabat Christianos
humaniore literatura imbui, duos illos Apollinarios,
quorum supra à nobis facta est mentio, multo celebri-
ores reddidit. Vterq; enim artium illarum, quæ ad sermo-
nem formandum pertinent, admodum peritus, pater gram-
maticæ, filius autē illius, quæ est Sophistarum propria, ea té-
pestate Christianis non parum attulere adiumenti. Nam pa-
ter vtpote exquisitus grammaticus, artem grammaticam ad
Christianæ religionis formam contexuit: Moysisq; libros
carmine heroico expressit: quin etiam alios veteris testa-
menti libros, qui historicō more & modo conscripti sunt,
partim heroicis numeris, partim tragædiæ forma, personis
adhibitis, composuit: omniq; numerorū genere vñus est, vt
nulla gentilis eloquentiæ forma Christianis insueta, & no-
ua videretur. Filius autē, qui dicendi facultate erat exqui-
site eruditus, Euangelia & Apostolorum scripta in formam
Dialogorum, Platonis more apud gentiles, rededit. Ve-
rū quamuis religioni Christianæ hoc pacto vtilitati esse
viderentur, quòd veteratorius Imperatoris conatus eorum
laboribus quodammodo esset retardatus, tamen dei pro-
uidentia tum istorum vigilias multis partibus superauit,
tum conatum penitus retudit Imperatorium. Nam &
lex Imperatoris non multo post, vti deinceps dicemus,

M 5 proflus